



高青邱詩醇

四

土岐文庫
文庫17
W160
4



文庫 17
W160
4

高青邱詩醇卷之六

伊勢 齋藤 謙有終錄

美濃 梁 緯公圖

紀伊 菊池保定士固 閱

七言絕句


客越夜得家書

一接家書意便歡，外封先已見平安。
故鄉千里書難得，不敢燈前草草看。

寄家書時客越城

底事鄉書累自修，路長唯恐有沈浮。
還憂得到家添

高青邱詩醇 卷之六



010185192054

高言丘言酉
憶不敢多言客裏愁

癸卯九日

酒熟如何菊未開
小園荒徑獨徘徊
不隨賓客登高去
只恐愁因望遠來

海上逢王常宗雨夜同宿陳氏西軒

故人散盡獨君存
風雨相逢海上村
尊酒飲闌言不盡
更畱餘燭照黃昏

夜雨中遣懷

不是羈人是木腸
怕愁不敢易思鄉
醉來獨滅青燈臥
風雨從教滴夜長

聞舊教坊人歌

渭城歌罷獨淒然
不及新聲世共憐
今日岐王賓客盡
江南誰識李龜年

山中別寧公歸西塢

一上香臺看落暉
沙村孤樹晚依微
老僧不出青山寺
只有鐘聲送客歸

秋柳

欲挽長條已不堪
都門無復舊毵毵
此時愁殺桓司馬
暮雨秋風滿漢南

送賈麟歸江上

高詩邨詩序

卷之六

三

別淚紛紛逐斷猿。貧交無贈只多言。離愁正似蘼蕪草。一路隨君到故園。

秋夜同周著作宿婁浦

小廡寒依竹浦雲。酒闌相對說離羣。一聲新雁誰先聽。今夜江南我共君。

送陳秀才歸沙上省墓

滿衣血淚與塵埃。亂後還鄉亦可哀。風雨梨花寒食過。幾家墳上子孫來。

送呂卿

遠汀斜日思悠悠。花拂離觴柳拂舟。江北江南芳草

徧送君。併得送春愁。

答陳校理尋花已落之作

君來春去不相期。空有新愁繞舊枝。總得花看能幾日。最難畱惜是芳時。

舟中聞歌

水柵孤燈照客舟。江南誰解唱甘州。尋常醉賞尊前曲。何事今朝聽得愁。

挽楊隱君

纔歌招隱又招魂。故老于今有幾存。他日我來應下拜。寒山流水竹間墳。

春思

愁兼楊柳一絲絲客舍江南暮雨時自入春來才思減杏花開過不題詩

入郭過南湖望報恩浮圖

雨過春陂柳浪香布帆歸緩怕斜陽漁人為指江城近一塔船頭看漸長

廢宅芍藥

昔年花發要人催今日無人花自開猶有園丁憐國色時容閒客借看來

夏夜宿西園酒醒聞雨錄一首

飛蟲繞燭夢迴遲荷葉齊鳴雨一池不為素紈猶在手定疑秋夜乍寒時

山寺冒雨還西郭

栗葉翻翻滿寺秋出門風雨未全收自慙騎馬非閒客可是山僧不解留

王七招飲余遊紫藤塢值雪失期

孤舟山水雪晴時看到梅花幾萬枝東崦題詩西崦醉等閒忘卻故人期

江上送客

春風江上蕩舟過垂柳垂楊拂浪波惆悵今年頻送

客長條欲折已無多

山中春曉聽鳥聲

子規啼罷百舌鳴東窗臥聽無數聲山空人靜響更切月落杏花天未明

過山家

流水聲中響緯車板橋春暗樹無花風前何處香來近隔崦人家午焙茶

歎庭樹

偶移弱質傍庭皋風露離離已便高翻笑園中栽樹者十年猶未出蓬蒿

湖上見月憶家兄

望月思兄意轉迷孤帆應宿楚雲西夜深愁向湖邊立爲有寒鴻相竝栖

逢吳秀才復送歸江上

江上停舟問客蹤亂前相別亂餘逢暫時握手還分手暮雨南陵水寺鐘

十宮詞

吳宮

芙蓉水殿屨廊東白苧秋來不耐風教得君王長夜醉月明歌舞在舟中

楚宮

雨去雲來十二峰，渚宮樓閣暮重重。
細腰無限空相妒，不覺瑤姬夢裏逢。

秦宮

宮閉驪山靜，管絃翠華巡狩去。
經年掖庭無用恩，難報願上蓬萊采藥船。

漢宮

酒醒金屋曙，河流願賜銅盤一滴秋。
他日君王作仙去，瑤池猶幸得同遊。

魏宮

翡翠明珠入貢頻，承恩長占鄴宮春。
至尊莫信陳王賦，那得人間有洛神。

晉宮

盡日南風永巷開，羊車去後玉階苔。
誰知天上無塵地，亦有城南小吏來。

齊宮

帖地黃金襯鞞羅，苑中市罷合笙歌。
有人解誦西京賦，添得樓臺火後多。

陳宮

春風臺閣繡參差，狎客爭陳璧月詞。
幾度醉濃嬌不

起景陽樓上曉鐘時

隋宮

五斛青螺一日銷迷樓深貯萬妖嬈眾中誰解畱車
駕風浪如山莫渡遼

唐宮

玉笛聲殘禁漏長雲屏月帳醉焚香五王宴罷皆歸
院大被空閒一夜涼

春日憶江上二首

一川流水半村花舊屋南鄰是釣家長記歸篷載春
醉雲籠殘照雨鳴沙

其二

新蒲正綠乳鳧鳴水沒魚梁宿雨晴看近清明沈種
日野人何事不歸耕

偶睡

竹間門掩似僧居白豆花疎片雨餘一榻茶煙成偶
睡覺來猶把讀殘書

與內弟周思敬晚過雁蕩僧舍

同過谿橋日欲晡遠林殘葉似栖鳥照公院裏堪畱
宿已有梅花有酒無

陶穀驛亭圖

薛壽山詩集卷之六
酒闌使騎趣歸時，羞殺江南一曲詞。借問驛亭相見者，風流何似党家兒。

夜中有感

二首
錄一

倦僕廚中睡已安，吹燈呼起冒霜寒。酒醒無限悲歌意，不覓書看覓劍看。

過北塘道中

二首
四首
錄二

未得看春愁不禁，此日聊復試幽尋。行人入村花宛宛，吠犬隔水樹深深。

其二

春水滿田如一湖，入田放艇看鵝雛。女郎祠下野花

雜老子門前沙樹孤

聞人唱吳歌

楚人不解聽吳歌，我獨燈前感慨多。記得通波亭下路，畫船歸去雨鳴荷。

雨中過山

春雲掩靄澗奔渾，風雨行人過一村。不似山家深竹裏，乳鳩啼午未開門。

夜雨江館寫懷

二首
愁解尋人不得辭，小窗疎竹雨來時。江湖今夜全家客，猶勝飄零兩處思。

其二

漠漠春寒水遶村，有愁無酒不開門。
青燈畫角黃昏雨，客共梅花併斷魂。

讀韋蘇州詩

埽閣焚香晝卷帷，綠槐疎雨夏初時。
客憂何物能消遣，一帙蘇州刺史詩。

遊幻住精舍

寒扉斜向竹閒推，此日重來是幾迴。
行遍空林僧不見，慰人憐有一枝梅。

江上逢舊妓李氏

見過四首錄一

玉箏紅燭艷春羅，慣向高堂聽汝歌。
今夕相逢為重唱，孤舟江冷月明多。

又

平常歌舞不能閒，多在青春甲第閒。
借問年來還到否，朱門風雨幾家關。

舟行晚過張林

望山幾欲去尋幽，此日雖來不暇遊。
一棹黃昏過山下，疎燈絡緯滿林秋。

看梅漫成三首

江草初生江水流，便覺春色惱人愁。
雪晴家家叩門

高。青。丘。詩。酒。卷。之。六
去。不。見。梅。花。應。不。休。

其二

江。邊。寺。裏。一。梅。樹。幾。度。勞。人。相。候。開。無。情。今。日。未。可。發。有。興。明。朝。還。看。來。

其三

野。人。不。省。愛。梅。好。棄。在。荒。籬。荆。棘。邊。細。雨。東。風。欲。零。落。我。來。相。見。一。潸。然。

夜至陽城田家

東。津。渡。頭。初。月。輝。南。陵。寺。裏。遠。鐘。微。主。人。入。夜。門。未。掩。蒲。響。滿。塘。鵝。鴨。歸。

將赴金陵始出閶門夜泊二首

烏。啼。霜。月。夜。寥。寥。回。首。離。城。尚。未。遙。正。是。思。家。起。頭。夜。遠。鐘。孤。棹。宿。楓。橋。

其二

煙。月。籠。沙。客。未。眠。歌。聲。燈。火。酒。家。前。如。何。纔。出。閶。門。宿。已。似。秦。淮。夜。泊。船。

舟次丹陽驛

沽。酒。來。尋。水。驛。門。鄰。船。燈。火。語。黃。昏。今。朝。始。覺。離。鄉。遠。身。在。丹。陽。郭。外。村。

夢歸二首

何事頻頻夢裏歸，只緣未慣客天涯。覺來不見家人面，恰似前朝始別時。

其二

忽夢還家上楚船，來時舊路只依然。家人不識關山遠，有夢何因到我邊。

吳中親舊遠寄新酒二首

雙壺遠寄碧香新，酒內情多易醉人。上國豈無千日釀，獨憐此是故鄉春。

其二

為念春來客思悲，欲教一醉對花枝。那知飲量新來減，不似江亭看妓時。

減不似江亭看妓時

送葛省郎東歸二首

金陵女兒踏春陽，金陵客子正思鄉。一杯況復送君去，目斷飛花江水長。

其二

桃葉渡頭聞唱歌，孤帆欲發奈愁何。君歸是我來時路，山水無多離思多。

送哲明府之新淦

花落春衫試剪裁，石頭城下楚帆開。憑誰為報清江吏，麥雉鳴時縣令來。

寄丁二侃

江頭斜日草初曛，目斷歸鴻隔楚雲。舊宅因君相近，住每思家處即思君。

題虞文靖公書所賦鶴巢詩後

玉堂罷直髻如絲，華蓋岡頭戴笠時。丁令去來滄海變，人間零落鶴巢詩。

宮女圖

女奴扶醉踏蒼苔，明月西園侍宴迴。小犬隔花空吠影，夜深宮禁有誰來。
金檀云：列朝詩集注據吳中野史載：季迪因此詩得禍，因引昭示諸錄及豫章罪狀為證。此皆在後之事，難以牽引。惟詩綜所注或有為而作，亦未可知。

客中憶二女

每憶門前兩候歸，客中長夜夢魂飛。料應此際猶依母，燈下看縫寄我衣。

寄徐記室

徐久客京師，余至已東還。

惆悵江東日暮雲，我來君去苦離羣。不知此日君思我，還似當時我憶君。

宿蟾公房

一禽不鳴深樹煙，明月下照高僧禪。獨開西閣詠清夜，秋河欲墮山蒼然。

陌上見梅

陌頭一樹帶風沙零落寒香日欲斜車馬紛紛誰暇
看當年只合種山家

夜聞雨聲憶故園花

帝城春雨送春殘夜雨愁聽客枕寒莫入鄉園使花
落一枝畱待我歸看

風雨早朝

漏屋雞鳴起溼煙寒驢難借強朝天卻思春水江南
岸閒聽篷聲臥釣船

早至闕下候朝

月明立傍御溝橋半啟宮門未放朝騶吏忽傳丞相

至火城如晝曉寒銷

雨中登天界西閣

青山樓閣楚江東身在蒼茫晚色中故國自遙難望
見不關春樹雨溟濛

己酉初度時年三十四

風雨空齋誦蓼莪今年初度客中過人生七十尋常
壽未過還憐一半多

得故人書知未入京因寄

曾約春深到鳳臺君今不到只書來滿絨離恨牀頭
放一度相思一度開

東歸至楓橋

故人當日送登畿。此地停舟醉落暉。慙愧臨河舊攀柳。尚畱青眼看人歸。

戲和徐七見寄臥聞鄰槽酒聲之作

春瀉鄰槽入夜聞。遠疑泉響隔松雲。題詩為問醒眠客。幾滴還能醉得君。

見燕至

初來如報社前春。好宿茅檐伴客身。莫入江南舊庭院。杏花風雨總無人。

重過南寺尋悟公不值

我是鈞天夢覺人。憶來松下似前身。老僧何去袈裟在。落葉斜陽滿室塵。

過流通院錄一首

橘柚林中薜荔垣。幽尋幾度入秋園。雖然老衲無聞見。猶勝相逢俗客言。

儀秦

二子全操七國權。朝談從合暮衡連。天如早為生民計。各與城南二頃田。

孔明

莫恨流星墮渭濱。出師未捷已沾巾。天應畱取生司

馬歸作他年取魏人

韓子

自古南荒竄逐過，佞臣元少直臣多。
官來瀧吏休相，謂天要潮人識孟軻。

題宋徽廟畫眉百合圖

百合無殘六合塵，沐宮啼鳥怨無人。
不知風雪龍沙地，還有圖中此樣春。

二喬觀兵書圖

共憑花几倦新妝，玄女陰符讀幾行。
銅雀那能鎖春色，解將奇策教周郎。

雨中曉臥二首

井桁烏啼破曙煙，輕寒薄被落花天。
閒人晴日猶無事，風雨今朝正合眠。

其二

香斷牀幃冷未開，雨窗寥落滿樵苔。
休輕一枕江邊睡，拋卻腰金換得來。

閏三月

不須愁寫送春詩，花比常年落最遲。
添得一分春色在天應，憐我惜芳時。

閏三月有感

二首錄一

高詩集 卷之六
綠樹殘鶯偶一鳴聽來方解憶山行今年不是逢餘
閨已過春光半日程

晚立西浦渡

鬢絲微映釣絲輕水葉驚風細浪生誰見晚涼人立
處數株楊柳一蟬鳴

過北莊訪友

淺水平沙凍鴨眠秋聲吹過石橋邊尋君兼得尋詩
興野樹江雲欲雪天

寄雲間朱國史嘗同宿左掖約至江上見訪

二首
錄一首

風雪京華憶舊逢候朝同聽鳳樓鐘還鄉何事翻離
阻春樹春雲隔九峰

和遜庵尋舊偶不值效香奩體

二首
錄一首

曾看梳頭傍玉臺後堂春曉翠屏開重尋未省雙文
去只道羞郎不出來

紅梅

春暈冰綃倚竹低羅浮卻似武陵谿詩人從此來相
覓雪滿空山不復迷

瓶梅

竹外相逢見素花手攜數朶喜還家雨窗今夜無明

月。暫。託。寒。燈。照。影。斜。

池亭對竹

秋陰弄色護池亭，羣玉山橫翡翠屏。鳴鶴迎風時一唳，先生高枕夢初醒。

西山幻住期看梅花雨雪不果

錄二首

翠羽休啼怨不來，滿林風雪滿身苔。此花不是繁華種，只合空山獨自開。

春暮西園

綠池芳草滿晴波，春色都從雨裏過。知是人家花落盡，菜畦今日蝶來多。

金徵士潤玉畱宿江館阻雨連夕二首

落花風急野無舟，喜爲茅齋幾日畱。卻愧江邊春酒薄，不能慰子客中愁。

其二

莫辭同宿掩書幃，兵後蕭條故舊稀。預恐明朝風雨歇，滿江春水送君歸。

江館夜雨

尋常風雨睡冥冥，底事今宵只自醒。一枕蕭騷孤獨暗，此聲元在客中聽。

登白蓮寺閣貽幼文

思君曾此望西州，誰信歸來得共遊。只是當時舊山水，如何重看不勝愁。

讀周記室荆南集

生別猶疑不再逢，楚天雲樹隔重重。愁來讀盡荆南藁，風雨空齋掩暮鐘。

贈真上人

花下攜琴見此僧，自言開法在金陵。十年江海遊應遍，老去空山對一燈。

寄沈侯乞猫

許贈狸奴白雪毛，花陰穩臥日初高。將軍內閣元無

用，自有牀頭卻鼠刀。

蜀山書舍圖

山月蒼蒼照煙樹，碧浪湖頭放船去。隔林夜半見孤燈，知是幽人讀書處。

虎邱

望月登樓海氣昏，劔池無底鎮雲根。老僧只恐山移去，日落先教鎖寺門。

讀徐七北郭集

一卷忻看故友詩，詩詩畱人去。喜還悲西窗，夜雨燈前讀不似連牀對詠時。

出郭舟行避雨樹下

一。片。春。雲。雨。滿。川。漁。蓑。欲。借。苦。無。緣。多。情。水。廟。門。前。
樹。遮。我。孤。舟。半。日。眠。

江上晚歸

渺。渺。雙。鳧。落。晚。沙。一。江。秋。色。艷。明。霞。逢。人。不。用。停。舟。
問。大。樹。村。中。即。我。家。

題瀑布泉

千。山。雲。頂。一。泉。飛。仰。面。時。驚。雨。溼。衣。彷彿。香。爐。峰。下。
看。滿。谿。紅。葉。訪。僧。歸。

深院

風。細。桐。花。落。井。欄。池。荷。新。長。大。如。盤。閉。門。無。客。搖。鈴。
索。半。篋。閒。詩。讀。易。殘。

題董卿圖

花。落。吳。王。故。苑。西。客。亭。風。雨。聽。鶯。啼。今。年。又。負。行。春。
約。畫。裏。看。山。不。忍。題。

和王耕雲與愚庵倡和詩一首

灌。花。移。石。不。辭。勤。苔。潤。流。泉。雨。後。新。一。塢。綠。陰。雞。犬。
靜。老。來。欣。作。太。平。人。

其二

欲。望。城。西。禮。白。雲。數。峰。蒼。翠。晚。嶙。嶙。誰。知。解。綬。東。歸。

客亦是香山社裏人

夢余唐卿

路隔成皋萬里關，何由得見故人還。
燈前夢裏忽忽見，猿叫楓林月在山。

城南漫興

二首錄一

春冷園林未到鶯，初晴稍稍綻山櫻。
懶夫不負東風意，也起尋芳郭外行。

題松雪翁臨祐陵草蟲

宣和遺墨畫難工，唯有王孫筆意同。
莫問吳宮與梁苑，一般草露覆秋蟲。

中秋無月無酒

桂樹香寒掩畫樓，江雲黯淡蔽中秋。
道人莫喚嫦娥出，照見空樽卻轉愁。

臥病夜聞鄰兒讀書

月淡梧桐雨後天，伊吾聲在北窗前。
誰知鄰館無兒客，病裏聽來轉不眠。

柳塘飛燕

身輕不奈晚多風，春盡迴塘落絮空。
楊柳陰迷三十里，畫樓何處捲簾櫳。

滾塵馬圖

高書丘詩酒 卷之六
千里歸來苜蓿春，五花和汗滾香塵。青絲暫解從天性，多謝黃門老圃人。

題徐熙三蟲圖

粉蝶黃蜂各治心，逐香窺艷競相尋。南園雨過紅芳歇，輸與鳴蜩占綠陰。

閩門舟中逢白範

十載長嗟故舊分，半歸黃土半青雲。扁舟此日楓橋畔，一褐秋風忽見君。

春晚過茶磨西庵

一塢茶煙隱翠微，漁樵來慣客來稀。谿頭樹暗飛花

盡初聽人家響杵機

題湘君圖

悵望南巡竟不還，淚如湘雨暮斑斑。須知竹死愁方盡，莫恨秦人便赭山。

冬月寓治平寺答王仲廉

我遊山寺未能迴，君臥園廬不肯來。惆悵款冬花樹下，一樽賞雪共誰開。

倦繡圖

翠絲盤葉碧玲瓏，小萼花鋪茜縷紅。夢裏鴛鴦畱不得，分明卻在繡牀中。

開元寺綠陰堂嘗筍

僧林遠過竹扉開燒筍頻煩斷紫苔
雨後尚憑畱幾箇高堂重看綠陰來

送友謫戍錄一首

獨攜一劍未知名憐我惟君弟
與兄欲把平生肝膽事盡和別酒向君傾

涼夜

一聲遠笛數聲砧月滿江城夜正深
坐據胡牀愛涼思空階移盡桂花陰

次及愚庵懷王耕雲韻示徐良夫錄一首

度掩時尋百丈泉松門蘿逕稍涼天
只應猿鳥知行處遠在鐘聲暮靄邊

高青邱詩醇卷之六

高青邱詩醇卷之七

伊勢 齋藤 謙有終錄

美濃 梁 緯公圖

紀伊 菊池保定士固 閱

姑蘇雜詠 原一百二十三篇
今錄六十四篇

予歸自京師屏居松江之渚書籍散落賓客不至閉門默坐無以自遣偶得郡志觀其所載山川臺榭園池祠墓之處因其地想其人求其盛衰興廢之故不能無所感焉遂采其著者各賦詩詠之合今古諸體凡一百二十三篇洪武四

年十二月前史官高啓序略節

吳趨行古樂府有吳趨行吳人歌其土風也

僕本吳鄉士請歌吳趨行吳中實豪都勝麗古所名
五湖洵巨澤八門洞高城飛觀被山起游艦沸川橫
土物既繁雄民風亦和平泰伯德讓在言游文學成
長沙啓伯基異夢表休禎舊閱凡幾家奕代產才英
遭時各建事殉義或騰聲財賦甲南州詞華竝西京
茲邦信多美麤舉難備稱願君聽此曲此曲匪誇盈

姑蘇臺

在橫山西北麓夫差因越獻榭而
起此臺造九曲路以登其高見三百
里越破吳焚之

金椎夜築西山土催作高臺貯歌舞文身澤國構王
基卻笑先人獨何苦銅溝玉檻成繁華幻出峰頭一
片霞望處直究三百里役時應廢幾千家蟠空曲路
迷仙仗攀盡瑤梯纔到上外繞雕龍宛轉欄中施繡
鳳葳蕤帳薰爐長蕪鬱金香共道千齡樂未央茂苑
月來秋珮冷洞庭雨過夏綃涼當窗眾妓如仙女揚
袂迎風欲輕舉人從天上見經過鳥向雲閒驚笑語
日暮橫塘花盡開卷簾臺上望王來宴舟初自觀魚
返獵騎還從射鹿回從登不用持鉞隊自列紅妝侍
高會香傳羅帕進黃柑縷切鸞刀供玉鱸燭光遠落

太湖波驚起魚龍出沒多城上烏啼河漢轉此時誰
問夜如何管絃嘈嘈聒人耳不聞兵來渡谿水欲攜
西子走登舟醉倚畫筵嬌不起瞑目無因到甬東可
憐一炬綺羅空獻楣竟墮讎人計賜劔應辜諫士忠
客來試問遺宮路物色荒涼總非故褰裳始信不虛
言滿地荆榛見零露當年爭奪苦勞機卻把江山付
落暉聞說越王臺殿上如今亦有鷓鴣飛

百花洲

在姑蘇臺下

吳王在時百花開畫船載樂洲邊來吳王去後百花
落歌吹無聞洲寂寞花開花落年年春前後看花應

幾人但看枝枝映流水不知片片墮行塵年來風雨
荒臺畔日暮黃鸝腸欲斷豈唯世少看花人縱來此
地無花看

翫花池

在靈巖山

桃枝兼杏枝春色繞宮池正愛紅繁處還憐綠淨時
花香泛幽泚媚影照清漪垂條看妓折墮萼見魚吹
杯涵明月瀉舟逐彩霞移水流花落盡君王醉不知

走狗塘

在城西吳王遊獵處也

春堤長春草淺此地吳王曾走犬獵場四面圍畫旗
紅炬照輦還宮遲割鮮夕宴誰共食臺上妃子非樊

高詩丘言酌
卷之十
三十一
姬春苑年來草仍綠韓盧已去多麋鹿君不見漢皇
縱狗殊有功逐兔直到烏江東

錦帆涇

水繞荒城柳半枯錦帆去後故宮蕪窮奢畢竟輸漁
父長保秋風一幅蒲

吳王井

在靈巖山

曾聞鑑影照宮娃玉手牽絲帶露華今日空山僧自
汲一瓶寒供佛前花

香水谿

在吳故宮中俗云西施浴處

粉痕凝水春溶溶暖香流出銅溝宮月明曾照美人

浴影與荷花相向紅玉肌羞露誰能見只有鴛鴦窺
半面絳綃圍掩怯新涼歸臥芙蓉池上殿空洗鉛妝
不洗妖坐傾人國幾良宵驪山更有湯泉在千古愁
魂一種銷

越來谿

在橫山下越侵吳兵自此入

谿上山不改谿邊臺已傾越兵來處路谿水尚哀聲
昨日荷花生今朝菱葉死亡國不知誰空令怨谿水

臨頓里十首

在城東舊為吳中勝地陸魯望所居也皮陸有詩十首詠之予

悉次其韻蓋彷彿昔賢之高致云

聞說橋東地高人舊隱居養生應有道覓舉絕無書

高書山詩醇 卷之十
愛救黏絲蝶，嗔驚出水魚。時尋戴顓宅，自駕短轅車。

其二

應愛山齋好，秋風不捲茅。鑿渠侵燈穴，移樹帶禽巢。
人世真浮梗，吾生豈繫匏。不逢皮從事，誰結歲寒交。

其三

載酒攜山榼，安琴製石牀。鳧眠皆傍母，蜂去自從王。
穀雨收茶早，梅天曬藥忙。不扶靈壽杖，筋力老能強。

其四

自少圖名意，誰言世不知。僧求開寺記，客送買山資。
細雨魚生子，斜陽燕哺兒。平生無事迫，辛苦爲尋詩。

其五

斬伐憑樵斧，經綸在釣車。薄雲還露月，小雨不妨花。
酒債應多處，詩名自一家。虛煩時主召，懶脫故衣麻。

其六

長物元無有，何勞犬護扉。借看高士傳，學製道人衣。
窗破容螢入，船空載鶴歸。定緣幽事繞，不是宦情微。

其七

澹泊心情在，蕭疎鬢影殘。引泉規作沼，畱笋待成竿。
自洗沾泥屐，誰收掛壁冠。毛公新有約，月夜禮天壇。

其八

沐罷便輕幘消搖詠晚天清風蘇病鶴驟雨禁鳴蟬
舊史堆湘素新經錄洞玄誰知城郭裏別自有林泉

其九

汨汨泉通圃蕭蕭柳映門折花搖樹影踏藕損蓮根
飢鴨呼歸檻新蠶試浴盆屋前高石在知是鬱林孫

其十

茶租催未得菊餌服還能行古時人笑文工造化憎
貧畱漁艇載老謝鶴書徵誰識先生樂悠然臥枕肱

甫里卽事四首

甫里在松江之上陸魯望所居也予寓其北渚頗擅煙波

之勝爲賦六言四首

長橋短橋楊柳前浦後浦荷花人看旗出酒市鷗送
船歸釣家風波欲起不起煙日將斜未斜絕勝苔中
剡曲金齋玉繪堪誇

其二

唼唼綠頭鴨鬪翻翻紅尾魚跳沙寬水狹江穩柳短
莎長路遙人爭渡處斜日月欲圓時大潮我比天隨
似否扁舟醉臥吹簫

其三

江上漁郎晚祭津頭估客朝過鐘邊山近水近篷底
風多雨多飢蟹銜沙落斲黠禽映竹窺羅了頭兩槩

休去爲唱吳儂棹歌

其四

橫網不遮過客渡船時
載歸僧炊菰飯勝炊稻
采蓮歌和采菱煙外晚
村弄笛沙邊夜店停燈
短蓑醉拍銅斗我亦年
來稍能

石崇墓

在吳縣西六里潘岳之墓在其北

虬鬚欲怒珊瑚折步障圍春錦雲熱
眞珠換妾勝驚鴻笑踏香塵如踏空
酒闌金谷鶯花醉眾逐樓前舞裙墜
財多買得東市愁羅綺散盡餘荒邱
猶憐白首同歸者夜伴遊魂楓樹下

韓蘄王墓

在靈巖山西麓有穹碑在焉

宋室中興日將軍武略優功立超賈鄧名恥竝張劉
白馬空南渡黃龍竟北遊誓擒諸部種還報兩宮讎
朝使頒金冊邊人識錦裘躍戈衝野陣橫棹截江流
殘虜亡魂走中原指掌收未終藩閩寄已惑廟堂謀
坐散熊羆士甘臣犬豕酋和戎辭易屈復漢志難酬
闕聳吳山曉陵荒翬樹秋廉頗歸未老郭令罷誰留
折檻言徒切藏弓勢可憂俄看星隕壘永使陸沈州
感慨思前代淒涼弔古丘劔花埋虎氣碑藓剝螭頭
石騎嘶風雨山僧護檟楸鼓旗何寂寂簡冊漫悠悠

高青丘詩集 卷之七
父老悲猶在英雄事已休
栖霞嶺前墓聞說更堪愁

天平山

入山旭日迎出山月明送
十里松杉風吹醒塵土夢
茲山凡幾到題字遍巖洞
陽崖樹冬榮陰谷泉夏凍
怪石立誰扶靈草生豈種
白雲蒼然來諸峰欲浮動
高鷗有危栖幽禽無俗哢
凌薜知履滑披嵐覺裘重
嘗登最上巔遠見湖影空
漁樵渡谿孤鳥雀歸村眾
還尋老僧居隔竹聽清誦
慰我躋攀勞爲設茶筍供
幾年歷憂歡造物若擲弄
迷途遠山林遲暮堪自訟
誰追謝公遊空發阮生慟
身今解組紱明時愧無用

閒持九節筇尋訪事狂縱
石屋秋可眠山猿許分共

龍門在天平山

龍門何崢嶸此地表奇蹟
山分兩崖青天豁一罅白
知非禹功鑿想是鬼斧劈
長爲風雨關開闔自朝夕
深含未吐雲對峙不崩石
日光寒易傾苔色陰叟積
只疑過此內便與人境隔
始窺已幽深漸入尤險窄
暗中把危藤蜿蜒欲驚魄
僧畱看古刻敲火照絕壁
晚聞松竹號洶若波浪激
不知神魚飛到此誰點額
我嘗謁真龍天門謬通籍
何必更區區求爲李膺客

登陽山絕頂陽山在城西古名秦餘杭山吳中山最高者中有白龍湫旱必

焉禱

我登此山巔不知此山高但覺羣山總在下坐撫其
 頂同兒曹又見太湖動我前洶湧三十萬頃煙波濤
 長風吹人度層嶂不用仙翁赤城杖峰迴秋礙海鶻
 飛日出夜聽天雞唱中有一泉長不枯乃是蜿蜒神
 物之所都老藤蔭森洞府黑樹上不敢畱栖鳥常年
 禱雨車來此投金符靈旗風轉白日晦馬鬣一滴露
 三吳巖巒蒼蒼境多異樵子尋常不會至探幽歷險
 未得歸忽聽鐘來澗西寺此時望青冥脫略塵世情
 白雲冉冉足下起如欲載我昇天行古來名賢總何

有唯有此山長不朽欲呼明月海上來照把長生一
 瓢酒浮邱醉枕肱洪崖笑開口天風吹落浩歌聲地
 上行人盡回首

五塢山五首

飛泉塢

山空響夏遠雨過流還急餘沫灑迴風一林紅樹溼
 脩竹塢

丹霞塢

色映谿沈沈秋雲生夕陰無限楚山意鶴鳴風滿林
 遙聞丹霞塢中有滄霞者絳綵發朝朝還同赤城下

白雲塢

雲開見山家。雲合失山路。聞語知有人。欲尋已迷誤。

芳桂塢

欲攀淮南樹。人去山寂寞。嫋嫋涼風生。疎花月中落。

卓筆峰

在天平山

雲來初似墨。雁過還成字。千載只書空。山靈恨何事。

太湖

長谿如白虹。分走荆雪派。具區納羣流。襟帶三郡界。
太虛混鴻蒙。元氣流沆漑。初疑溟渤寬。稍覺雲夢隘。
茫茫雁飛遲。颯颯帆度快。雨來鼉報鳴。風起鷗驚邁。

神龍作淵都。豈復數鱗介。珠光照水府。不受白日曬。
朝看礮車雲。雪浪動澎湃。聲吹地將浮。勢擊山欲壞。
黃頭雖輕生。換柁不敢懈。有時湛明鏡。峰吐青幾塊。
煙中樹若莎。波上舟如芥。漁就沙岸炊。客來水祠拜。
震澤思禹功。夫椒記吳敗。白魚逢夏出。黃柑待秋賣。
我性好遊觀。夙負雲水債。欲尋鴟夷舸。不顧涉險戒。
人生亦何為。世故自拘械。萬事風飄花。百年露垂露。
何當叩林屋。秉炬訪仙怪。試探不死方。為人起痼瘵。

劔池

在虎邱山

干將欲飛出。巖石裂蒼礦。中閒得深泉。探測費脩綆。

一穴海通源，雙崖樹交影。山中多居僧，終歲不飲井。
殺氣凜猶在，栖禽夜頻警。月來照潭空，雲起噓壁冷。
蒼龍已化去，遺我清絕境。聽轉轆轤聲，時來試新茗。
練瀆在太湖舊傳吳王所開以練兵
吳越水為國，行師利舟戰。夫差開此河，餘艘試親練。
十萬凌潮兒，材比欽飛健。鼓棹激風濤，揚舠逐雷電。
當時意氣盛，謂已無句踐。鷗避去沙洲，龍愁閉淵殿。
恃強非伯圖，倏忽市朝變。臺上失嬌姿，泉閒掩慚面。
至今西山月，恨浸秋一片。猶有網魚人，時時得沈箭。

太湖石

沒人采石山，根淵投身下。試飢蛟涎馮夷，不解護潛寶。
幾片捧出如青蓮，寒姿本是湖水骨。波濤激擊應千年，
初疑鬼怪離洞府。珊瑚鐵網相鉤連，嵌空突兀多異態。
雲吐夏浦芝生田，龍鱗含雨晚猶溼。豹質隱霧朝常鮮，
清音叩罷磬韻遠。微靨洗出珠窩圓，坐移各岫置庭砌。
日照彷彿生紫煙，三峰削成太華掌。一穴透入仇池天，
醉中時到倚蒼蘚。秋風冷逼吟詩肩，洛陽園墅汴宮苑。
當時駢列誇奇妍，黃羅封蓋素氈裹。萬里貢獻勞車船，
奢游事歇家園廢。盡什荆棘荒池邊，人生嗜此亦可笑。
有身豈得如石堅，百年零落

竟誰在空品甲乙煩題鐫又嗟此石何獻巧自召鑿
取虧天全不如頑礦世所棄滿山長作牛羊眠

千人石

池上無陀石千人列坐會如今跌夜月唯有一山僧

南園

在城南吳越廣陵王錢元璪所闢營之
三十年勝甲吳中今郡學前菜圃也

君不見平樂館古城何處寒雲滿君不見奉誠園荒
亭無蹤秋草繁白日沈山水歸海寒暑頻催陵谷改
皇天大運有推移富貴於人豈長在請看當年廣陵
王雙旌六纛何輝光幸逢中國久多故一家割據誇
雄強園中歡游恐遲暮美人能歌客能賦車馬春風

日日來楊花吹滿城南路壘石為山引泉為池辟疆
舊園何足奇經營三十年欲令子孫永保之不知回
首今幾時繁華掃地無復遺門掩愁鴟嘯風雨種菜
老翁來作主空餘怪石臥池邊欲問興亡不能語春
已去人不來一樹兩樹桃花開射堂陶圃俱青苔何
須雍門琴但令對此便可哀人生不飲胡為哉人生
不飲胡為哉

松江亭

在吳江垂
虹橋上

泊舟登危亭江風墮輕幘空明入遠眺天水如不隔
日落震澤浦潮來松陵驛綿綿洲激平莽莽葭菼積

憑欄不敢唾，下有龍窟宅。帆歸雲外秋，鳥下煙中夕。
欲炊菰米飯，待月出海白。喚起弄珠君，閒吹第三笛。

齊雲樓

境臨煙樹萬家迷，勢壓樓臺眾寺低。斗柄正垂高棟，
北山形都聚曲欄。西半空會落佳人唱，千載猶傳醉
守題劫火重經化。平地野鳥飛上女垣啼。

靈巖寺

在靈巖山吳館
姓宮舊地也

閒上香臺望下方，漁村樵塢盡蒼蒼。傾城人遠苔生
徑，歸寺僧稀葉滿廊。雲散池邊畱塔影，雨來閣外失
湖光。廢興皆幻何須問，獨自吟詩送夕陽。

涵空閣

在靈巖寺

袞袞波濤漠漠天，曲欄高棟此山巔。置身直在浮雲
上，縱目長過去鳥前。數杵秋聲荒苑樹，一帆暝色太
湖船。老僧不識興亡恨，只向遊人說往年。

孤園寺

在洞庭山梁散騎
常侍吳猛故宅

欲問南朝常侍宅，已爲西域化人宮。山僧歸帶漁舟
雨，湖鳥來聞粥鼓風。橘柚垂簾秋殿暗，波濤驚坐夜
堂空。給孤長者誰曾見，應在煙雲杳靄中。

南峰寺

樵歸眾山昏，天峰尚餘景。欲投石門宿，更度西南嶺。

高青丘詩集 卷之七
遠聞雲間鐘，蘿逕入寺永。懸燈照靜室，一禮支公影。
鳥鳴澗壑空，泉響窗戶冷。對此問山僧，何如沃州境。

楞伽寺

夕陽西下嶂，返照東湖水。來尋古寺游，楓葉秋幾里。
叩門山猿驚，維馬林鳥起。鐘聲出煙去，半落漁舟裏。
楞伽義未曉，塵累方自恥。欲打塔銘碑，從僧乞山紙。

開元寺石鉢

寶石當年琢，帝青浮波不。異木杯輕傳，靈已歷乾陀。
國乞食曾來，舍衛城漁父得。時初洗獻法王，在日每
擎行寺僧見，客休頻出恐。有藏龍，此內驚。

師子林十二詠

師子峰

風生百獸低，欲吼空山夜。疑是天目巖，飛來此山下。

含暉峰

演漾弄晴暉，江山秋斂霏。我吟康樂句，日暮澹忘歸。

吐月峰

四夏栖鳥驚，山白初上月。起開東閣看，正在雲峰缺。

立雪堂

堂前參未退，立到雪深時。一夜山中冷，無人祇自知。

臥雲室

夕臥白雲合朝起白雲開惟有心長在不隨雲去來

問梅閣

問春何處來春來在何許月墮花不言幽禽自相語

指柏軒

清陰護燕几中有忘言客人來問不應笑指庭前柏

冰壺井

圓發夏生冰光涵數星冷窗有定中僧休牽轆轤綬

玉鑑池

一鏡寒光定微風吹不波夏除荷芰影放取月明多

脩竹谷

翠雨落經牀林鳩午鳴後笋出恐人來編籬遮谷口

小飛虹

初看臥波影應恐雨崇朝過澗尋師去端如度石橋

大石屋

渾沌復輪困全無斧鑿紋門臨五湖水坐納四山雲

玉波冷雙蓮

唐處士李籟夜遊震澤逢女郎為歌玉波冷雙蓮之曲曰此哀

吳宮二隊長之詞又歌其所製正秀葯華之曲蓋龍女云二曲世不傳予戲為補之

金風暮剪雙頭蕊啼臉辭秋嬌血紫宮女三千罷笑

喧錦雲障冷鴛鴦死滿江煙玉流古香尋魂弔影愁

茫茫昊天隊露衰紅溼一夜波涼小龍泣

王敬伯歌

敬伯晉時人嘗泊舟通波亭下理琴有美人來共飲命小婢彈箜篌後知是鄰船吳令妾麗華也

舟初維琴始薦驛亭邊夜相見詞宛轉情綢繆解環
珮彈箜篌調易闌情難歇江波寒墮明月綠壺再傾
芳音欲違譬彼林鳥逢晨各飛羅衣霑霜城鳥忽起
明日相思孤棹千里

慧聚寺次張祐韻

煙歛城初出潮來野欲吞危樵緣磴角倦衲憩松根
剎表藏林寺鐘聞隔水村畫龍飛去久空掩殿堂門

偃松行

松在天平山獅子巖下舊文正書院前

龍門西岡魏公祠祠前有松多古枝長身蜿蜒橫數
畝巨石作枕相撐持春泥半封朽死骨凍蘚盡裂皴
生皮無心昂聳上霄漢偃仰獨向荒山陞蟄雷震岳
撼不動一載一夢醒何遲政如臥龍未起日深意有
待風雲期太湖月出照夜魄天峰雪積埋寒姿濤聲
時吼若鼙息野老驚起山僧疑左仰右屈各弄態天
自出巧非人為畫師安能把筆寫稚子豈敢操斤窺
杜陵枯枿已憔悴蜀相老柏非瑰奇何如此樹怪且
壽呵衛定想煩靈祇不知已閱幾人代游客過盡今

存誰明堂屢興不見取得全正愛同支離我嘗來觀
忍遽反醉坐其上高吟詩葛陂筇竹亦騰化神物終
去可久羈何當一叱使飛起載我萬里游天池他年
還訪舊城郭正是白鶴歸來時

高青邱詩醇卷之七
河內屋藤四郎
須原屋茂兵衛
山城屋佐兵衛
須原屋新兵衛
山城屋政吉
英藏
丁子屋平兵衛
岡田屋嘉七
和泉屋吉兵衛
河內屋藤兵衛
河內屋茂兵衛

書林

京都寺町通佛光寺	河內屋藤四郎
江戸日本橋通壹丁目	須原屋茂兵衛
同 貳丁目	山城屋佐兵衛
同 貳丁目	須原屋新兵衛
同 南傳馬町壹丁目	山城屋政吉
同 下谷御成道	英藏
同 大傳馬町貳丁目	丁子屋平兵衛
同 芝神明前	岡田屋嘉七
同	和泉屋吉兵衛
大塚齋橋筋本町角	河內屋藤兵衛
大塚齋橋筋博勞町角	河內屋茂兵衛

